

27 NOV 1996

PERDANA MENTERI HADIRI JAMUAN MALAM YTL

KUALA LUMPUR, 27 Nov (Bernama) -- Perdana Menteri Datuk Seri Dr Mahathir Mohamad malam ini menghadiri jamuan malam sempena ulangtahun ke-41 YTL Corporation Berhad di Pusat Dagangan Dunia Putra (PWTC) di sini.

Beliau kemudian menyaksikan konsert persembahan tenor terkenal dunia Jose Carreras.

Turut hadir ialah isteri Perdana Menteri Datin Seri Dr Siti Hasmah Mohd Ali.

Menteri Pertahanan Datuk Syed Hamid Albar, Menteri Belia dan Sukan Tan Sri Muhyiddin Yassin, Menteri Tenaga, Telekom dan Pos Datuk Leo Moggie serta Menteri Kebudayaan, Kesenian dan Pelancongan Datuk Sabbaruddin Chik turut menghadiri kedua-dua majlis itu.

Semasa jamuan malam itu, Pengerusi YTL Corporation Berhad Tan Sri Dr Yeoh Tiong Lay menyumbang cek bernilai RM2 juta kepada pengerusi Badan Amal dan Kebajikan Tenaga Isteri Menteri dan Timbalan Menteri (Bakti) Dr Siti Hasmah.

Kira-kira 4,000 orang menghadiri konsert Carreras itu yang diiringi Orkestra Simfoni Singapura. -- BERNAMA

JM RON